

1482 præfenti operi intentos Sigismundus Æftenfis , Nicolaus Corregianus , & Hugo Severinas , alique nonnulli viri illuftres cum tribus & amplius hominum millibus ex Argentia oppido repente impetum fecere ; ac primo in Andreae Burgenfis ftationem irrupere , ubi nonnihil a Venetis primo congressu eft laboratum . Inde vero , ubi hoftem adesse cognitum eft , fumptis repente armis , ferociter Venetus in pugnam ruit . Objecerat Æftenfis venienti illi quatuor currus , quaternas fingulos machinas habentes . Atrox hic prælium inter hoftes & navales socios coortum erat , multique jam ex utraque parte cadebant , dum trecenti Peloponnesiaci equites , qui cum Veneto venerant , paululum circumvecti , ut hoftem pugnae intentum circumfisterent , tantum a latere confpecti terrorem Herculanis injecere , ut subito Sigismundus & alii duces territi fugam moliri cœperint . Valaresia ad hæc trimis jam aquas , quas hoftis a tergo habebat , subito tumultu infederat . Quo cognito , quum jam Æftenfes circumventos fe vidiffent , a prælio in fugam verfi , alii alio diffugere conantur : Sigismundus celerrimo equo ufus , præcipiti fuga Argentiam pene folus abiit . Multi , qui metu fe præcipientes in aquas dedere , vi fluminis victi perierunt , multi quoque ferro abfumpti , plurimi deditione facta in Victoris poteftatem venere . Ingentem victoriam ac valde memorabilem eo die Superantius eft adeptus , nam præter Hugonem Severinatem & alios circiter feptuaginta armorum ductores , quos claffis imperator Venetias captivos mifit , ducentas & amplius caffides cataphracto hofti ademptas (quod eximii trophæi speciem præbuit) publico loco fufpendit .

Republica ad Argentiam pulchre gefta , Severinas , ut & ipfe facinus aliquod præclarum ederet , in Ferrarienfem agrum tranfire ftatuit : pontem ex galeonibus , quos ad hoc ipfum demoliri fecerat , subito conftitui mandat , datque Baffano Veronenfi id negotium :

Sigismundus Æftenfis & Hugo Severinas ad Argentiam a Victore Superantio prælio victi.